

INUIT ATAQATIGIIT

Inatsisartuni



22. oktober 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

Naalakkersuisunut apeqqutit:

- 1. Umiarsualivinnut immikkoortumut pilersaarut Kalaallit Nunaanni 2017-2027 Qasigiannuani umiarsualivimmi sanaartukkap normulerneqarsimasup 110.02 aamma 110.06-ip akornanni, aalisariutit tulaffigisartagaanni umiarsualivik aserfallatsaalineqarpoq. Ujaqqat imaanut nakkaatinneqaput imaq ikkappallaalersillugu. Umiarsuit aalisariutillu tulassinnaajunnaarsinneqarnissaat siunertaava?**
- 2. Immap ikkappallaalernissaa pillugu atuisut susassaqtullu (umiarsualivimmi sulisut/umiarsuaatillit/aalisariutaatillit) qanimut ilisimatinneqarsimappat tusarniarneqarlutillu?**
- 3. Naalakkersuisut ilisimanerlugu Qasigiannuani umiarsualivik ima aserfallassimatigisoq, allaat nutaamik sanaartoraanni akilersinnaanerussasoq?**
- 4. Nutaanik umiarsualivinnik sanaartornermi pingaarnersiunerme Qasigiannuani umiarsualivik sumi inissisimava?**
- 5. Qasigiannuani nutaamik umiarsualivimmik sanaartortoqassappat nunatta karsianut aningaasartuutaasussat pillugit Naalakkersuisut paasisussutissiisinnaappat?**

(Inatsisartunut Ilaasortaq Aqqa Samuelson, Inuit Ataqatigiit)

Tunngavilersuut:

Umiarsualivinnut immikkoortumut pilersaarut Kalaallit Nunaanni 2017-2027 naapertorlugu imatut allassimasoqarpoq: *“Umiarsualivik allineqassanngilaq. Umiarsualivik sumiiffinnut aalajangersimasunut aserfallatsaaliuinissamut periusissiamut ilaajuassaaq, umiarsualivillu sunut tamanut atorsinnaanngorlugu nutarterneqassaaq”*. Qasigiannuani umiarsualivik aserfallatsaalineqarpoq sanaartukkap normua 111.02 aamma 110.06-ip akornanni ujaqqat nakkaatinneratigut imaq ikkappallaalersillugu umiarsuit aalisariutillu tulassinnaajunnaarput, taamaalilluni umiarsualivik sunut tamanut atorsinnaajunnaarlugu. Aserfallatsaaliineq maannakut umiarsuaatilinnut aalisariutaatilinnullu akuerineqarsinnaanngitsumik eqquinerluppoq. Taamaattumik Naalakkersuisut Qasigiannuani umiarsualivimmut aserfallatsaaliinermut tunngatillugu erseqqinnerusumik nassuiaateqassasut kissaatigaara. Umiarsualivinnik

nutarterinermut tunngatillugu Qasigianguani umiarsualivik tamakkiisumik nutarterneqarnissaa pingaarsiuinermi sumi inissisimanersoq ilanngullugu paasisaqarfigerusuppara.

Ullut sulliviit qulit iluanni apequtinnut akissutit tigunissaannut qilanaarpunga.